



ЎЗБЕКИСТОН ВА МИСР ЕТАКЧИЛАРИ ЭРИШИЛГАН КЕЛИШУВЛАРНИНГ ИЖРОСИНИ ТАЪМИНЛАШ МУҲИМЛИГИНИ ТАЪКИДЛАДИЛАР

Ўзбекистон Республикаси Президенти Шавкат Мирзиёев ва Миср Араб Республикаси Президенти Абдулфаттоҳ ас-Сиси 28 июнь куни бўлиб ўтган телефон орқали мулоқотда бутун мусулмон уммати учун муқаддас Қурбон хайити билан бир-бирини самимий қутладилар. Ўзбекистон ва Мисрнинг дўст халқларига тинчлик-осойишталик, фаровонлик ва равнақ тилаклари билдирилди.

Жорий йилнинг февраль ойида Қоҳирада олий даражадаги расмий ташриф чоғида эришилган келишувларни амалга оширишга алоҳида эътибор қаратилди. Мунтазам ва самарали мулоқотлар туфайли Ўзбекистон билан Миср ўртасидаги кенг қамровли ҳамкорлик муносабатлари аниқ мазмун билан бойиб бораётгани қайд этилди. Товар айирбошлаш ҳажмини ошириш, икки мамлакат етакчи компаниялари иштирокидаги қўшма инвестиция

лойиҳалари ва sanoat кооперацияси дастурларини илгари суриш бўйича таъсирчан чоралар кўриш масалалари муҳокама қилинди. Ўзбекистон ва Миср етакчилари маданий-гуманитар алмашинуви янада фаоллаштириш муҳимлигини ҳам таъкидладилар. Халқаро ва минтақавий аҳамиятга молик долзарб масалалар кўриб чиқилди.

ЎЗА

Кўп қиррали ҳамкорликни янада кенгайтириш масалалари муҳокама қилинди

28 июнь куни Ўзбекистон Республикаси Президенти Шавкат Мирзиёев ва Туркия Республикаси Президенти Режеп Таййип Эрдоғанининг телефон орқали мулоқоти бўлиб ўтди.

Давлат раҳбарлари бир-бирини ва қардош халқларимизни муборак Қурбон хайити билан дилдан қутлаб, тинчлик-осойишталик, фаровонлик ва равнақ тилакларини изхор этдилар. Кўп қиррали ҳамкорликни янада кенгайтириш ва кенг қамровли стратегик шериклик муносабатларини мустаҳкамлашнинг долзарб масалалари кўриб чиқилди. Олий даражадаги келишувларга мувофиқ сиёсий, савдо-иқтисодий, инвестициявий ва маданий-гуманитар соҳаларда амалий ҳамкорлик юқори суръат ва самарали тус олгани қайд этилди. Юртимизда Туркиянинг етакчи компаниялари иштирокида йирик инвестиция лойиҳалари фаол амалга оширилмоқда.

Йил бошидан буён қарийб 100 та янги қўшма корхона ташкил этилди. Жорий йил 1 июль кунидан бошлаб Иштиёзли савдо тўғрисидаги ҳукуматлараро битимнинг кучга кириши ўзаро савдо ҳажмининг янада орттишига хизмат қилади. Икки мамлакат шаҳарлари ўртасида авиақатновлар кўпаймоқда. Сўхбат чоғида халқаро ва минтақавий кун тартибидagi долзарб масалалар юзасидан ҳам фикр алмашилди. Бўлажак олий даражадаги тадбирлар режаси кўриб чиқилди. Ўзбекистон — Туркия олий даражадаги Стратегик ҳамкорлик кенгашининг навбатдаги йилгилиши кун тартибиди пухта тайёрлаш муҳимлиги алоҳида таъкидланди.

ЎЗА

АМАЛИЙ ҲАМКОРЛИК ЛОЙИҲАЛАРИНИ ЖАДАЛЛАШТИРИШ МУҲИМЛИГИ ТАЪКИДЛАНДИ

Ўзбекистон Республикаси Президенти Шавкат Мирзиёев 28 июнь куни Қатар Давлати Амири Шайх Тамим бин Ҳамад Ол Соний билан жорий йилнинг июнь ойида Ўзбекистонга давлат ташрифи давомида эришилган келишувлар ва қабул қилинган битимлар ижросини жадаллаштиришнинг долзарб масалаларини муҳокама қилди.

Телефон мулоқоти аввалида давлат раҳбарлари бутун мусулмон уммати учун муқаддас бўлмиш Қурбон хайити — Ийд ал-Адҳо билан бир-бирини дилдан қутлаб, икки мамлакат халқларига тинчлик-осойишталик, равнақ ва барқарор тараққиёт тиладилар. Самарқандда ўтган олий даражадаги учрашув икки томонлама муносабатларни сифат жиҳатидан янги даражага олиб чиққани ва аниқ мазмун билан бойитгани ҳақида яқдил фикр билдирилди.

Етакчилар савдо-иқтисодий, инвестициявий, транспорт-коммуникациявий ва маданий-гуманитар соҳаларда қабул қилинган қўшма қарорлар ижросининг боришини кўриб чиқдилар. "Яшил энергетика", молия, инфратузилма, транспорт ва логистика, қурилиш ва бошқа тармоқлардаги лойиҳаларни илгари суриш муҳимлиги қайд этилди. Халқаро ва минтақавий кун тартибининг энг долзарб масалалари юзасидан ҳам фикр алмашилди.

ЎЗА

САМИМИЙ ҚУТЛОВЛАР

Бутун мусулмон умматининг муқаддас байрами, халқимизнинг маънавий ҳаётида муҳим ўрин тутган, эзгулик, баргиреклик, меҳр-мурувват ва саховат каби боқий умуминсоний қадриятларни ўзида мужассам этган Қурбон хайити — Ийд ал-Адҳо муносабати билан Ўзбекистон Республикаси Президенти Шавкат Мирзиёев номига хорижий давлатлар етакчилари, нуфузли сиёсат, жамоат ва дин арбоблари, етакчи халқаро ва минтақавий ташкилотлар раҳбарларидан табриклар келмоқда.

Қутловларда Ўзбекистон етакчиси ва кўп миллатли халқига ҳурмат-эҳтиром, тинчлик, фаровонлик ва равнақ тилаклари изхор этилган, мамлакатимиз билан дўстлик ва кўп қиррали ҳамкорликни бундан буён ҳам ривожлантиришга ва мустаҳкамлашга интилиш тасдиқланган.

Жумладан, куйидагилар ўз табрикларини йўллаган: Козогистон Республикаси Президенти Қосим-Жомарт Тоқаев; Қирғиз Республикаси Президенти Саидир Жапаров; Тожикистон Республикаси Президенти Эмомали Раҳмон; Туркменистон Президенти Сердар Бердимухамедов; Туркман халқининг миллий етакчиси, Туркменистон Халқ Маслаҳати Раиси Гурбангули Бердимухамедов; Козогистон Республикасининг биринчи Президенти Нурсултон Назарбаев; Озарбайжон Республикаси Президенти Илҳом Алиев; Туркия Республикаси Президенти Режеп Таййип Эрдоған; Миср Араб Республикаси Президенти Абдулфаттоҳ ас-Сиси; Бирлашган Араб Амирликлари Президенти Шайх Муҳаммад бин Зоид Ол Наҳаён; Қатар Давлати Амири Тамим бин Ҳамад Ол Соний; Кувейт Давлати Амири Наваф ал-Аҳмад ал-Жобир ас-Сабоҳ; Умон Султони Ҳайсам бин Ториқ Ал Саид; Иордания Ҳошимийлар Подшоҳлиги Подшоҳи Абдулла II; Ироқ Республикаси Президенти Абдуллатиф Жамол Рашид; Сурия Араб Республикаси Президенти Башар Асад; Бирлашган Араб Амирликлари Вице-президенти, Бош вазири, Дубай амирлиги ҳокими Шайх Муҳаммад бин Рошид Ол Мактум; Бирлашган Араб Амирликлари Вице-президенти, Бош вазири ўринбосари, Президент ишлари бўйича вазири Шайх Мансур бин Зоид Ол Наҳаён; Кувейт Давлати валиаҳди Мишаал ал-Аҳмад ал-Жобир ас-Сабоҳ; Фаластин Давлати Президенти Маҳмуд Аббос; Бирлашган Араб Амирликлари Бош вазири ўринбосари, ички ишлар вазири Шайх Сайф бин Зоид Ол Наҳаён; Туркий давлатлар ташкилоти бош котиби Кубаничбек Омуралиев; Ислон ҳамкорлик ташкилоти бош котиби Ҳусайн Иброҳим Тоҳа; Иқтисодий ҳамкорлик ташкилоти бош котиби Ҳусрав Нозирий; Таълим, фан ва маданият масалалари бўйича Ислон ташкилоти (IYESCO) бош директори Салим ал-Малик; Кавказ мусулмонлари идораси раиси, МДХ Динлараро кенгаши ҳамраиси шайхулислом Оллошқукур Пошшозода. Қутловлар келишда давом этмоқда.

ТАРАҚҚИЁТ ЙЎЛИ



ЯНГИ БОШ ҚОНУНДА ЯНГИ ДАВР НАФАСИ

Ҳар қандай ҳужжат — маҳалла фуқаролар йиғини томонидан бериладиган маълумотномадан тортиб, то мамлакат Конституциясига қадар — қачон ўз рўёбини, амалиётини топади? Қачонки, ўша ҳужжат, аввало, синчиклаб ўқилса, идрок этилса ва ижросига онгли тарзда киришилса! Маҳалла фуқаролар йиғини томонидан берилган ҳужжат бир фуқаро, нари борса, бир оиланинг жорий ҳаётигагина тегишли бўлади. Мамлакат Конституциясига-чи?

Шу нуқтаи назардан қаралса, бутун бир давлат ва халқнинг нафақат бугунги, балки келгуси ўн йилликларда кечажак ҳаётининг деярли барча жабҳаларига тааллуқли бу ҳуқуқий доктринанинг роли ва аҳамияти қанчалар катта?!

Давоми 2-бетда

НУҚТАИ НАЗАР

ИНВЕСТИЦИЯ ИҚТИСОДИЁТНИ ҲАРАКАТЛАНТИРУВЧИ КУЧ



Инвестиция — умумжамиyat нуқтаи назаридан мулоқотимизда фаол сўз ҳисобланмасида, аксариятимиз меҳнат фаолиятимиз, касб-коримиз туридан қатъи назар, ундан маълум маънода фойдаланамиз. Айтганда, фарзандларимиз келажакда яхши мутахассис бўлиб етишиши учун уларга ёшлигидан маълум маблағ эвазига қўшимча дарсларда ўқиш имкониятини яратиб берамиз.

Давоми 4-бетда

2023 O'ZBEKISTON RESPUBLIKASI 9-IYUL PREZIDENTI SAYLOVI

Газетамизнинг бугунги сонида Ўзбекистон "Адолат" социал-демократик партиясидан Ўзбекистон Республикаси Президентлигига номзод Робохон Махмудованинг сайловолди ташвиқоти бўйича мақола чоп этилмоқда. Мазкур мақола Ўзбекистон Республикаси Президентлигига номзодларга сайловолди ташвиқоти учун ажратилган бепул нашр майдони доирасида эълон қилиняпти.

3-бетга қаранг.

3 YOSHLAR KUNI "ЎЗБЕКИСТОН, ЭРТАНГИ ИШОН МЕНГА!"



Танлаган соҳасида катта ютуқларга эришиб, ҳатто жаҳон майдонига чиқиб бораётган хотин-қизлар ҳақида ёзиш доим завқли. Охириги марта шу йилнинг апрель ойида халқаро иқтисодчи Гўзал Ҳакимова ҳақида мақола ёзганим. Унинг муваффақияти, ташлаётган катта қадамлари, ютуқлари кўпчилиқда қизиқиш уйғотиб, интилувчанлигидан рағбат олганлар ҳам бўлди. Аслида, юртимизда ана шундай билимли, юксак салоҳиятли йигит-қизлар жуда кўп. Айни вақтда мамлакатимизда давом этаётган Ёшлар ойлиги ҳамда 30 июнь — Ёшлар куни муносабати билан яна бир иқтидор соҳибаси ҳақида ёзишга қарор қилдим.

Давоми 5-бетда

БУГУННИНГ ГАПИ

СУВ КЕЛДИ — НУР КЕЛДИ



Жорий йил охиригача Оролбўйи аҳолисининг 74,3 фоизи тоза ичимлик сув билан таъминланади

Мамлакатимизнинг янги ривожланиш босқичида барча соҳалар қатори атроф-муҳитни муҳофаза қилиш, табиат ресурсларидан, хусусан, сувдан оқилона фойдаланиш, аҳоли фойдаланадиган ичимлик сув сифатини яхшилаш ва у билан таъминланганлик даражасини оширишга катта эътибор қаратилмоқда.

Сўнгги йилларда республика аҳолисини тоза ичимлик сув билан таъминлаш бўйича "Қорақалпоқ сув таъминоти" масъулияти чекланган жамияти томонидан кўплаб амалий ишлар бажарилмоқда.

Давоми 2-бетда

